



東岳集 十二

拾遺錄 下

十二

~ 16  
2432  
11



和  
2432  
12-11



東岳先生集卷之二十三

拾遺錄下

題彰賜亭以下二節



天錫公忠帝錫金南溪魚鳥北宸  
全黃髮杜稷安危費赤忱奎璧文光卷中落園  
林勝事世間欽試看鰈域擅冀後彰賜亭顏此  
碧澗

儼接皇華忝幕賓高亭曾覩換名新桑榆計遠  
開東墅雨露恩深戴北宸偶引陸裝非作戲向  
泉和癖謾生嗔隋珠滿篋青山瘦獨取微辭警

東岳先生集卷之二十三

問津

從外兄李水使挽詞

內外墳麓早接閭端州前後替銅魚誰言青眼  
平生阻忽見黃梁大夢虛三世鯉庭循吏傳一  
家荆樹太公書中身下瀨垂天道留待子門駟  
馬車

端一作福忽一作  
梁一作賜

從兄酒峯處士挽詞

兄名安仁字士長伯  
父諱準之長子曾祖

奉祀  
孫也

容祖曾孫幹盡身宗兄才格早超倫褐衣詎料  
聯三世絲髮繞耆過六旬丘壑風流從此絕梅

花籬落為誰春只應天意留餘慶玉樹芝蘭奕  
葉新

去歲安奇逝如今又哭兄吾宗少強近何日重  
歡迎阮巷依丘墓陶廬隱姓名湖天未執紼坐  
覺負幽明

從叔父生負府君

諱遷葬挽詞

因不起始葬古邑  
葬砥平白鵝谷與叔母同壙

五星門戶本蟬聯從父名高一代賢榮血那知  
仍滅性顏貧却恨未羸年瀛封舊就青山宅  
新移白水阡賴有春坊能趾美林宗行著伯

暗傳

從叔母河東鄭氏挽詞

叔母觀察使諱敬

諱麟 趾玄孫女也 寡居三十六年 享年七十 歲始寔于 驪州 今改寔 砥平

閔閔河東世莫京夙承陰教藹芳聲  
自機紡績勤資業韓廟頌敬為誠  
否運初輸寡婦賦遐齡共指老人星  
孤鸞好作雙龍合新卜牛崗啓地靈

贈德一上人

爾住靖陵寺吾隣春草亭中間一江素南北  
兩峯青神骨驚初見禪談喜暫聆扁舟約束往花

落水平汀

上人時住

送工曹趙正郎璞叔温宰白川縣

送君白川去聽我白川吟川水本自白名縣知  
所箴濱海魚鹽地出塵冰雪襟貪泉酌猶爽况  
此白川臨

次韻贈別白川趙明宰叔温

水曹詩律睡魔降秋雨新晴謝守窓鰲岳幾曾  
瞻北斗銀川忽復隔西江百年如夢霜侵鬢萬  
事無心酒滿缸五馬東風慎行李暮潮歸處寄  
魚雙

送禮曹趙正郎善述赴榮川郡

左符曾刺赫居邦，慣見南州土俗厖。  
榮壤更稱名郡最，儀曹元得士心降。  
身兼吏隱那妨鄭，計判安危要學龐。  
好搦彩毫消暇日，鳳凰山秀碧流淙。  
少微星落石湖雲，秋草鳴皋暗夕曛。  
詩社久空誰作伴，酒壚重過獨逢君。  
山城薄牒三霜滯，海嶠風烟萬里分。  
春入紫宸還出守，白鬚無地與論文。

重贈榮川趙使君善述

我四十五君欠一牙齒，動搖毛髮備三代以後。  
治日少百年之中，憂患多雲翻雨覆，乃如許地。  
老天荒無奈何去去，琴堂作大隱山，聯太白高  
嵯峨。  
元朝已過又元夕，大雪纔晴仍大風，春空凌凌  
似冬日，盛代搢搢成老翁，斑荆却與故人別，棲  
棘可堪吾道窮，何時雷雨起龍蟄，白麻對草明  
光宮。

賀鄭翰林德餘昌生男

一門忠孝六旋閭，瑞世奇毛看鳳雛。  
定是天心

扶社稷豈惟家業託琴書氤氲太簇陽和始磅礴頭流積氣餘欲為徐卿歌袞袞還慚授簡異相如右用蘇東坡詩慈佳氣夜充間韻翰生夫之屬和故未句云授簡

宋正郎謹甫 妻金氏挽詞

吏部新墳擯未材春來薤露緋謳催挑天周國詩中興荼毒潘郎賦上哀泉路有期龍劍躍草堂無主燕梁摧道元舊好餘霜鬢看下温家玉鏡臺

正郎是我夫人弟少嫂還為挹翠孫結髮早知

門義篤齊眉常見壺儀尊鳳池喜叶占熊夢鸞鏡傷離對鵬塊六載春風再慟哭鐵城東指坐虧恩

簡石陽正

公子胸中竹幾竿筆頭揮灑碧檀欒早知無此令人俗丐我霜梢著處者一作從

漢江舟中奉寄豐基車使君雲之行

三月漢江江水平桃花楊柳滿江汀扁舟落日獨歸去無限嶺南千里情

重贈印彦上人用前韻

毗盧般若兩仙峯四十年来計墮空落盡桐花  
春又暮軟紅羞殺白頭翁

簡沈修撰詔重卿

終南樽酒共三人六載東風跡已陳江榭寂寥  
關路迥滿城花柳獨霑巾

四月初八日以夏享獻官詰 宣陵翌日

祭後憇奉恩寺自楮島乘船還豆毛浦臨  
發口號留別性還上人

橋陵徹祭憇禪關落日乘舟下碧灣笑別閣梨  
沙際立十分忙裡一分閑

李秀才擬妻李氏挽詞

晚老吾庚契憑知冢婦佳清晨少君窳芳歲孟  
光釵忍見珠胎滿翻教玉質埋隣兒有奇骨家  
慶未終乖

趙判書太夫人 氏挽詞代人

顯封隆養問誰倫婦德終兼母道純大小兒俱  
勒鍾鼎曾玄孫並列簪紳享年九十有四歲當  
代百千無一人不待張林碑突兀休聲先已播  
窮垠一作早

端午日祇受 內賜扇各二把書呈僚右

東坡集卷之三  
僉令公并示玉堂春坊諸學士求和

侍臣重午荷恩殊寶篋頒從御府儲蒼玉細雕  
湘竹骨白雲輕剪剡藤膚掖庭小豎傳天語內  
筍仙香散直廬願播薰風吹火日一涼分與四  
方俱

奉和知申事李令公疊用 賜扇韻以志

端陽節繼有珍膳法酒之 賜兼呈春坊

諸學士請同賦

昵侍金鑾禮固殊宸情尤重輔東儲銀盤野雉  
堆紅羽玉俎山麋割素膚共荷內厨分令節却

憐中歲滯荒廬聖恩如海知何報跪捧蒲觴感

愧俱固一作本

送李參議 仲實以千秋使赴北京

輔价觀周末十年千秋還捧祝堯箴誦詩早歲  
推尊對從事明時見獨賢玉佩袞衣新品袂薊  
門遼塞古山川風烟只益奚囊富陸橐無金雅  
操堅

送平壤庶尹柳塗由正之任

西京本名府少尹豈庠班樓壓綾羅島城圍錦  
繡山息機歌管閑游刃簿書閑千古傷心地憑



君一解顏

憶曾浮碧樓前過紅粉千行醉百場此日離筵  
塊欲斷髮毛如雪舊何郎

白秀才尚妻李氏挽詞

曾見松蘿初結時紫簫吹月鳳雙飛廣陵原上

今埋玉日暮江南入獨歸作今一

洪兵使義有夫人辛氏挽詞

昔過龍濟館初逢定遠侯交情仍款密婦德認  
如柔二岳恩封地三軍節制秋即看宗族慟爰  
髮掩新丘

贈寶雲上人師時往

僧來乞我贈行詩般若峯前訪老師坐聽亂蟬

秋又近一官慙負十年期師謂善

三神洞裡大能師傳得摩訶一祖衣剩欲尋幽

聽妙法白頭空愧計都非大能法師乃善

聞說神興寺烟嵐隔世氛千林花氣合萬壑水

聲分真鑑禪公塔新羅古篆文何時一筇竹與

爾訪孤雲雙洪寺有真鑑

贈坦宗上人師住智異山乃善

智異本稱方丈山慣聞花洞隔人寰東華四十

五年夢又見西風僧獨還  
欲見修公何處尋天王峯下石門深  
閻梨來說如來坐身是浮雲水是心

慎進士汝恢門起挽詞

天地俱為客彭殤各有涯如君真達士在世少  
醒時早許忘年友常稱痛飲師未成萬里餞齋  
坐只添悲

永嘉五君詠工部八仙歌放達今無繼清狂子  
孰過醉鄉寬幕席浮世促羲娥一病風流盡江  
湖月自多

奉次五峯相公題寶雲詩卷韻

供養無心勝出家謾將詩律學檀那東林釋老  
煩相訪門掩終南缺月斜

奉次月汀尹相公贈義敏上人韻

清曉僧來促手題南歸不復駐枯藜為言方丈  
秋風早黃葉千峯月一溪

贈義林上人用前韻

宿昔常譏佛吾衰獨愛僧三生六塵了萬劫一  
燈仍智異尋花入毗盧待月登何如縛世網憂  
畏逐年增

贈尹秀才

雲石洲之致亨

玉折難招楚客魂  
白髭相見各無言  
終知七澤三江水  
未洗千齡百代冤  
向秀何堪聽鄰笛  
羊曇不復過州門  
桃花零落傷心地  
背立西風夕雨昏

君似衡陽鴈  
秋風又一歸  
只緣身已老  
臨別每

沾衣

老境難為別  
窮途寡與交  
如何送君口  
秋雨更蕭騷

千里湖南道  
重逢只一秋  
不堪玄石浦  
離恨此

生休

送奇文學赴安岳郡

昔者吾詩友  
言君學盛唐  
即知丞相弟  
何止秘書郎  
歲歉聊求郡  
秋高且促裝  
元賓不復見  
愁絕卧清漳  
暫被比鄰近  
空教枉駕過  
龐公仍上冢  
陳叟旋中病  
祖道乖初計  
秋堂費獨哦  
西州五百里  
雙鯉報如何

信川洪明府連師古令公赴郡道中送華

歲末別什書此以寄用五峯李相公韻

白髯今信郡紅綬舊成州莫以官高下而為已  
喜憂近山年稍稔沁浦境全幽此日朝廷上誰  
憐我輩流成令公曾為川府使

赤縣無禾日黃堂有蠓州卿材飽置散吏術愜  
分憂鴈沒秋空杳蟲鳴古屋幽暮年傷別意江  
漢向西流

官罷不出戶無因聞作州留底索賸語對月起  
離憂秋晚蟹魚美地偏閭井幽餘波儻見及荒  
歲屬民流

奉送許工賀補都事之咸鏡道詔曾為官北

山寮

拓地何年鞞鞞降龍興豐沛是名邦元戎方伯  
開三鎮塞邑王庭界一江烏帽却辭青瑣闥虎  
符曾佐碧油幢關河到日風沙靜題遍邊樓筆  
似杠

金河霜落鴈南飛北走咸關拜玉墀青海小兒  
傳姓字高山老吏認風姿十年班序仍遭屈千  
卷平生不救飢行到雙城能見記驛亭相別菊  
花時遭屈一如舊

送印彥上人遊楓岳

飛錫名山路飄然不定蹤先雲朝度嶺共鶴暮  
依松天冠經三暑頭流駐一冬東歸又何事秋  
晚衆香峯

身事多違意秋來轉益悲如何憶山日空賦送  
僧詩木落千峯秀雲生萬壑奇只應明月夜幽  
夢遠相隨

學語曾聞楓岳竒丹旂未躡髮全稀養城又見  
秋風起僧與白雲空自歸

白玉峯巒碧海邊幽期四十五年前憑師說與  
山靈道終老烟霞最上巔

躑躅枯枝三尺長拄來方丈入金剛十年走馬

東華路未到名山髮已霜

師以躑躅  
枝為杖

送爾蓬萊山上遊芙蓉秀出洞天秋羽衣仙侶

如相見乞得靈丹寄白頭

年來只欲扶昏眸挂却歸僧錫杖頭直上金剛

峯第一暫時看遍萬山秋

百病侵身不自由尋山又負一年秋僧來却報

關東去黃葉西風滿眼愁

挽却征裾三日留百年多病又逢秋仙山東望

思歸意附與寒蛩吟不休

身如孤鶴迹如雲飛步凌空木不群踏遍南州  
又東走正陽秋色錦成紋

日落城東路僧歸海畔山秋風吹鬢髮霜葉一

時班

老子身仍病秋城葉又飛九龍潭上月空送一

僧歸

楓岳三山一其峯萬二千人間不可托直欲訪

群仙

皆骨山東指年年送衲衣幾時人送我秋日上

須彌

送文得上人還德裕山

朝別雲公暮彥公雙溪萬瀑趁秋風文師又向  
廬山去閉戶終南一病翁

用一松沈相國韻贈別義林上人還德裕  
山九千洞

岳麓曾無路巖臺我所名谷歲三刹台身逐一  
筇輕石澗當階轉松嵐隔戶生秋風對歸釋魂  
骨至今清

別義林上人

錦溪公館初相訪木覓山廬屢見過秋到却隨

南鴈去西風吹葉雨聲多

壺隱金處士光顯挽詞

慕齋公弟即思齋蓋代高名北斗偕共說後孫  
才並俊早聞夫子器尤佳妙年獨步詩驚俗淳  
世相忘酒放懷惆悵詞場十四舉一官無命老  
荆柴

權正字儼挽詞

早歲文場走挾翰永嘉詩禮是箕裘朝中共服  
青雲器天上俄成白玉樓荆樹有花他日樂鰥  
魚無睡幾宵愁謝庭猶見芝蘭秀直勝東鄰老

鄧攸

吉川曾是同僚丈叅判仍為異姓兄况得南城  
居接閉常思北路契忘形老天忍短顏回命少  
日聞多賈誼名行路亦應交雨泣舍人墳草未

全青

正字吉川君權公勝之子叅判李公晬光  
之壻生於萬曆壬午中癸卯進士一等權  
癸丑科以承文院正字年至三十四而  
天吉川之弟舍人昕亦先二歲而逝

庶姊姊淑夫人金氏挽詞

先川分派接綾原結髮蓬山積德門六棖纔虧  
一寒暑五男仍長九兒孫身承寶誥褒封典眼  
看宮花御賜恩坐咏栢舟春草歇夜臺歸逐

未招魂金即先川尉之庶孫女而我外祖司議

象武以金例封淑夫

許新昌鐸妻淑人權氏挽詞

文正名門配孔巖才賢誰似淑人兼魚軒花縣  
閨儀靜紗幔萱堂母訓嚴三子看生十男女七  
旬聞欠二涼炎江干舊里開新隴隣婦唯應臆  
共沾

權佐郎個挽詞

太師名閥盛豪英觀察當朝仰國楨有是父皆  
知有子難為弟亦見難兄一秋奄冉才三月雙

鳳聯翩忽九京天道福仁終不昧蘭芽猶足慰

鍾情

丹旄翻翻咽薤歌路人驚說又君家中書姱節  
蘭含馥正字清標玉絕瑕叔姪弟兄相繼歿賢  
愚貴賤共興嗟季方况抱詩才妙却羨元賓兩  
歲加

花滿宮城雨漲渠掖庭祗後識君初在尋下里  
煩留刺絨送高篇故發書長吉年催玉樓召文  
昌官滯水曹除極知人世都如夢探月驚心淚  
濕裾



李庶尹淵淵挽詞

槐院聯班始識君昂昂野鶴在鷄群冲襟無町  
寬吞海義氣如虹直射雲炊黍功名終寂寞鏢  
金唇舌謾紛紛羊曇醉過西門路鄰笛黃昏不  
忍聞啓人古世  
四十相看又五齡寸心今日向誰傾院僚座上  
君居右庑契行中我作兄常羨無男猶有女何  
言後死是先生重泉定抱窮天慟不盡慈烏反  
哺情

從叔母金氏挽詞

潘輿纔捧出秦城舍較秋江未變真共羨凶年  
赴名郡誰言愛日落長程一男非少仍三子七  
褒為稀更五齡歸朝好成神劔合沔陽原北是  
延平叔母乃從叔父諱淹之配早寡有一子曰  
安民時為孺山郡守於我再从兄也兄生  
三子長權次格次楠叔母隨兄赴郡行至尼  
山縣界卒於定川進祿享年七十有五歲

送洪樂夫承旨赴光州

喉舌銀臺職最親上章求外綵衣身 聖情特  
軫私恩切名邑仍批 御墨新青筍白魚渾雨  
露黃堂紫綬自精神龍鍾去就乖忠孝傍鬼挪  
揄笑送人

鄭翊衛叔度挽詞

六品朝廷薦三州父老思平生敦孝友至性出  
仁慈德與年俱邵身將世忽遺承家鄧綏在銅  
禁軫恩私

李叅判光夫人金氏挽詞

屈指當朝宰相門幾家閨範淨塵喧向來叅判  
清名重認得夫人淑德尊五袞翻驚一年少兩  
兒曾占七場元歸從先隴長興里天意惟應慶  
後昆

芝老瀛洲第一仙魏家雙鳳正聯翩早知之子

賢相敵方見寧馨塵蓋綿王母種桃春未老姪  
娥奔月鏡難圓丹旌明滅寒山路車乘三千淚  
徹泉

寄題白雲亭為雲川金叅議涌作用諸公

韻

臨河曾過古津頭今對兵曹更刮眸樹石撻從  
家世遠風烟偏入品題稠白雲有扁公將去朱  
綏無心我欲休安得卜隣成二老未容三隱數  
周劉

永嘉東面灤西頭地僻亭高爽客眸玉鏡涵天

春浪細石屏圍野晚峯稠江山父子終相保麴  
蘖功名早自休聞說龍蛇兵火遠桃源元不屬  
羸劉

寄酬林典籍檜公直書

故人千里枉新詩夜雨城南卧病時歲暮更堪  
回首望瘴鄉風土老夫知

用院吏吳禮立詠雪松韻

吾愛松公節堅貞邁此君雪中青不改獨立上  
參雲

白雪滿天地蒼蒼獨有君回首桃李態變化以

浮雲

歲寒蒼翠色元不借東君一節終難棄為人愧  
子雲

用吳禮立詠雪韻

謂玉飛時疾疑鹽積處寒兒童不識雪笑作柳  
花看

三日西宮直愁吟一榻寒郭南今夜雪林壑靜  
誰看

南岳雪初霽北風天更寒小晉那解事恠我拓  
窓看

東坡集卷之三十三  
以分院承旨直宿慶運宮

晚關端闈却早扃典兵嚴衛肅宮庭烏臺檢仗  
朝聞喝虎旅巡垣夜響鈴官職縱清非右地夢  
塊常涵似邊亭坐消一日逾千劫新白渾頭失  
舊青

夜坐口號

直廬憂病日侵尋夜拓虛窓坐擁衾街鼓稀傳  
宮漏永軍鈴頻警掖門深窮冬大雪三更月盛  
世微臣一寸心剝復亦知天理著向來疎髮不  
勝簪

春帖字

以下丙辰

漢水以南皆力耕鐵關之北不聞兵  
桃源飲坐聽滿城歌笑聲

身不出門人不來梅花看落杏看開  
功臣形像

棋隣閣老子襟憚鸚鵡盃  
青雲得路終非願白日昇天本不期  
只祝家中

各安穩每年花月少醒時  
不須通籍入金闈但願街頭酒價低  
日日花前

沾滿眼淺斟高卧聽鶯啼  
春寒早退移梅塢夏潤深露種芋畦  
占得太早

風雨順小齋閑卧醉如泥

日午山門雀可羅春風隨例入庭柯清晨自祝  
非他語閑比前年醉却多

歲熟自然無涼餒時平那復用干戈小齋清曉  
迎春祝只為蒼生不為家

高斟北斗祝南山壽席春回舞袖斑王母桃花  
開又落阿孃長作小童顏

天上星辰地下沙年年一箇箕春過沙本不多  
星有限慈顏猶自帶韶華

子皆有子黃金印孫又生孫白玉堂東海作田

田作海萱花不老棣花香

舞翻斑袖鴈連行栢酒香濃祝壽觴春日又長

萱室暖坐看王母髮成霜

題慶壽宴詩卷

二樂亭鍾白岳英年周癸未又寧馨一家積德  
綿三世九袞優恩亞六卿皓首兒為稚子舞童  
顏身作老人星即知慶壽開筵日箕福軒尊兩  
得并

天印上人以石洲五山詩來示索和

石友芝焚可忍言山翁又復乘雲去軸上清詩

舊顏面白頭淚盡逢僧處

贈戒玉上人

西登九月東皆骨南入頭流北妙香慚愧吾生  
不如爾夢酣槐穴髮成霜

挽詞失題

相國長歌後流風玉潤郎百年心皎潔萬事酒  
顛狂誰識緋衣慶翻成薤露傷平生伯牙曲無  
處奏峩洋一作誰謂緋衣  
白首忘形地君家伯仲間奈何先即世無復共  
開顏憶昨三秋飲新從萬里還轉頭成一夢雙

淚不勝潛

韓修撰及妻盧氏挽詞

玉樹名郎相國門銀潢別派判書孫兩家閱  
三韓右一枕熊羆萬福原甥館旦迎王子貴士  
林常仰侍臣尊春風花落歸新隴締唱悽涼曉  
月昏

次韓汝仁敏枕碧臺韻

聞說高臺下泖潭碧更深何時共君去漱石洗  
煙心

清妙真人去山高水自深典刑今幸見一慰石

年心  
承家書法妙避俗道機深蓬葦青山宅雲霞白  
首心

贈別敬一上人還圓寂山

三歲始相遇却歸千里程離愁與春草日日一  
時生

病起清明日僧歸圓寂山林禽不解事空復語  
間關

別敬一上人席上松湖白進士至自湖南  
墨客江南至禪僧嶺外歸似愁還似喜春雨暗

斜暉

贈別清學上人還通度寺

洛下逢僧問寺樓驚西山在古梁州尋真一入  
清流洞蘿月松風八載愁

僧來見我索新詩詩句纔成僧却歸有何忙事  
問無語笑指海山花欲稀

春雨新晴小院幽坐憑烏几聽鳴鳩此時僧到  
還南去似是無愁似有愁

次敬一上人韻

奮嶺尋花處鷄林聽雨時可憐今日別何地更

為期

秋日南飛鴈春風北去時如何與僧別相見渺

無期  
釋子嶺南去春城烟雨時孤雲本無定不敢問  
歸期

題司僕柳判官相水雲亭

籛金不惜買江臯太僕風流絕代豪銅雀潮聲  
西去遠龍門山勢北來高青烟起處迷村樹白  
鳥飛邊漾釣初邀我清明好時節梅花一笛醉  
葡萄

漢江亭擗岸西東未有憑軒上下通朱箔蒼塞  
冠岳雨碧窓朝拓廣津風地形特擅登臨羨心  
匠仍輸結構工倚柱不知歸路暝鴈拖殘照度  
遙空

與鶴谷對坐僧天印携卷適至重用石洲  
韻題贈

僧與東風今又來留詩卷上人何去家家桃李  
春茫茫東谷鶴谷傷心處  
亦知是身終不留奈何君先捨我去泉臺能有  
記我時春滿秦城哭君處



三月三日

即欲踏青去其知垂白何春風裊楊柳曉雨濕  
桃花相識眼中少所懷心上多坐聞歌管鬧慶  
慶闌年華

三月三日記事

可惜逢二日無緣倒一盃殷勤老騎省能寄酒  
錢來

家貧一何苦佳節未銜盃莫笑投詩去無憑乞  
酒來

一年脩禊日無處不傳盃堪笑東園上黃昏待

酒來

好是重三日逢君共把盃小奚何太慢沽酒夜  
深來

莫怪留君住燈前勸酒盃髮毛俱已白能見幾  
春來

清夜堪持燭芳辰莫拒盃百在如一夢少壯不  
重來

坐誦蘭亭序仍傾太白盃蜂含花葉去燕拂柳  
條來

買得葡萄酒斟之鸚鵡盃春風踏青日更見兩

兄來

上巳風光好香醪酌滿盃隣家吹玉笛更送數

聲來

此日真堪惜花前酒百盃只須同酌酌春去隔

年來

三月初四日用前韻

莫言佳節過賞酒有餘盃山逕花又發壺翁來

不來

瓮酒今朝熟呼兒洗玉盃野花開滿樹風遞好

香來

處處梅花笛家家竹葉盃何能獨不醉醜酒待

君來

一園芳樹下相對好傳盃蝶舞過牆去鶯歌出

谷來

庭草綠侵席砌花紅映盃舍此老居士更能相

訪來

三萬六千日日傾三百盃况逢桃李節鶯燕一

時來

惜此二三日勸君千萬盃青春隨日去白髮逐

人來

百歲嗟強半從今更幾盃逢春宜共醉莫待後  
年來

莫笑花間坐高歌又一盃去年行樂地今日樂  
人來

春風能幾日對酒莫停盃萬草千花裏山晴好  
月來

為君歌一曲飲我酒千盃今日人間世誰從太  
古來

花事無多日人生有限盃今宵秉燭飲更約  
琴來

贈雪岑上人

老來何事喜逢僧欲訪名山病未能花落矮簷  
春晝永妙香皆骨碧層層

戲簡白善鳴

花事闌珊舉子忙小園無計共琴觴可憐烟雨  
秦城內却似江南別路長

憐君獻玉旅遊忙節過蘭亭未把觴一室在山  
雲外遠百憂如草雨中長

南國詞人何太忙東園居士獨傾觴踏青時節  
不相見穀雨滿城春草長

次劉希慶枕流臺韻

禁城多少好樓臺春到桃花在處開不緣屋上  
烏堪愛小尊何能入句來  
城裡臨溪解尊燕主翁心與眼俱開東風小雨  
尋芳日似入桃花源上來  
九街塵裡獨登臺雲外三山圖畫開莫怕落花  
隨水出世人雖識豈曾來

淵川君邊知事應星祝詞

南紀嬰城乙卯年典工英畧在青編飛騰一代  
名家子節制三軍一將權雅望曾歸趙京兆壯

圖翻屈霍祈連謗書勲券都如夢負郭終無二

頃田

典工一作判  
書在一作照

次鄭德餘

萬戶笙歌獨閉門愁多如醉坐昏昏禁城春色  
渾無賴日夜秋霜點髮根

附原韻

落盡閑花不出門終朝獨坐到黃昏誰云老  
子都無事日課家僮掘菜根

鐻白

白髮如今較不公冷炎分別世情同貴人頭上

何曾促獨遣窮途早作翁

三月晦日簡北渚金冠王聖同知東園丁

士優好愈知時北渚差聖節使東園差

屈指吾齡已半生與君能聽幾鶯聲一年春盡  
九十日兩鬢霜添千百莖行樂及時那可緩別  
離中歲故難輕行看斑犬批牋尾要對餘花共  
舉觥

簡同庚李立之鄭翼之尹德耀諸君

四十相看又六齡幾人無恙在京城林鶯却報  
青春過隙駒頻催白髮生鴨水燕山千里路東

園北渚一時行小齋要辦同庚會坐待諸君似

律令懶方

奉送東園丁士優愈知以千秋使赴北京

四代名卿五弟兄愛君文彩照時英官班繞報  
加金袋使節翻看上玉京漢樹胡沙新藻思炎  
風朔雪故交情遙知拜賀前星日萬國衣冠一  
顧傾

奉送北渚金冠王以聖節使赴北京

虹渚占祥鳳紀秋君銜王命入皇州芸臺薇省  
稽高議鶴野燕山稱遠遊漢使嫺疑陸賈橐齊

御節儉晏嬰裘玉河到日觀如堵四十年來第

一流君遠

離筵莫恠少愁形身未嬰痾鬢尚青蝟角正爭

蠻觸地海槎應犯斗牛星山河草木中華可日

月風雲上帝庭季札會觀周樂盛直勝窮巷抱

玄經

送龍溪金子定止朝天三首

龍灣曾別古城隅君赴皇州我漢都十六年中

行色再三千里外旅情孤鷺班袍笏陞新秩營

地山河按舊圖坐憶遠遊西日短北辰回望怯

驪駒

曾喜朝京一盞曾送君何事別愁重洪恩特荷

金章煥暮景偏教雪鬢鬆遼野去輶衝六月薊

垣歸蓋犯三冬衙門比日增需索更耐行裝到

處供

憶曾銜命渡龍灣萬里燕京六月還望海亭前

天是海盤山城外地無山公侯第宅星辰上郡

國屢問錦綉間今日白頭鏡共繫夢魂猶綴紫

宸班

題敬默上人詩卷

昔過奉恩寺初逢敬默師野航相逐遠江路獨  
歸遶城市經春夢雲林出俗姿今來索新句梅  
雨杜門時

簡龜川君覓新竹

早誦東坡居士詩此君無處俗難醫王孫字裡  
千竿綠分與新梢冒雨移

謝龜川君見和仍致竹三藪

西園公子盛唐詩一讀頭風不待醫蒼玉白金  
添萬箇未須辛苦舉家移

要分新籜強投詩老癖從前不可醫擬待清陰

滿幽逕共君携酒席頻移

三竿玉節帶清詩病葉經晨一雨醫白首交情  
願如此不隨人世岑炎移

奉謝韓別坐兄以烏竹一叢見寄

十里高陽路亭亭玉一竿歲寒深雪裡長似對  
公看

寄黃存畏先達時謫慶興府

駟騶曾到塞天睡夢斷孤城鼓角悲更耐故人  
今日謫白頭親在見無期

龍沙萬里思親淚鶴髮三年望子情天地有知

神不昧會應相見且偷生

送再從姪植說書以北評事赴幕府

奕世吟壇老將家玉堂金馬奉恩華我叅戎幕  
真為忝爾輟春坊亦可嗟達士且須忘寵辱慈  
親應只念風沙青氍舊物輦瓢樂去倚天山放  
筆花

次李應教綠綬之韻

九陌紅塵五月天閉門高卧聽鳴蟬午餘睡足  
身無事永日方知似小年  
玄石亭前水映天夢隨鷗鷺厭貂蟬南鄰學士

思歸未白首青衫五十年

評事姪道中次韻見寄復用其韻却寄

隣君不解暫離家此去轅門換歲華絕塞望雲  
那可忍清時失路倍堪嗟天寒疊雪秋埋隴磧  
暗衝風晝捲沙最是月明鄉夢斷戍笳吹徹小  
梅花

被臺駁遞承旨再授慶運分司直廬偶書

侍臣初獲戾分院再容叅峻旨雷霆震洪恩  
雨露涵求榮浮世競置散素心甘嗜豈醎酸異  
情非卯酉堪排番僚有四鎖直日纔三俸厚朝



餐飽曹閑午夢酣  
菲才方自詫昭代且無慙始  
慕士師惠終希柱史聘  
丙辰海岱起先生不忍  
入參親鞠呈病不出五  
諫度牌召終不赴大司  
鄭造論啓得適

次韻奉答成別坐學汝

鶴髮兩家俱八十  
比年床褥負病多  
即今喜懼方交極  
如子寒飢更若何  
斗水未成資菜色  
尺書空見枉瓊華  
誰知我亦無餘粟  
滿腹纒同龜飲河

鶴泉酷似南窓老  
爭說才名晚更多  
唐代苦吟聞孟賈  
梁朝佳句見陰何  
常憐薄宦輸黃髮  
最

愛高風繼白華  
今日窮愁應到骨  
敗厨烟冷雨翻河

庚申立春門帖以下庚申

漢將收沙漠  
王春轉斗杓  
萬方無一事  
齊唱太平謠

車馬長安路  
園林小洞天  
閉門人不到  
高枕送流年

臘雪消山逕  
春風入洞門  
道人那免俗  
晨起祝兒孫

養性三盃酒  
潛心一卷書  
太平今有象  
無事卧

吾廬

夜發崑崙頂蓬萊日未中  
回看赤松子已作白頭翁

一七姮娥藥千年王母觴  
東方景少子毛髮白如霜

嬴女調新曲麻姑捧壽卮  
感星仙李母娛彩老萊兒

月中丹桂子天上碧桃花  
壽席三元日仙盃五色霞

金鼎丹砂熟瑤池白日長  
蟠桃重結子瀛海幾

成桑

窓外三竿日爐中一縷烟  
身閑起常晚人世是

神仙

飽餐身事足甘寢世緣輕  
不出門前路琴書老此在

題一巖上人詩軸用月沙相公韻

五十吾今誤半生夜窓匡坐到鷄鳴  
夢中只坦千峯色愁外頭流萬壑聲

答姜生負仲尚書

習氏招邀地東歸似望并清是  
捧短札遠路餉

新正舉案紅翎墮開缸綠鱉呈一官三十月遺  
愛在同庚

題弘印上人詩軸用月沙相公韻

百年今已半世態幾炎涼楓岳平生夢春來又  
漢陽

奉送月沙相公以陳奏正使赴北京

華人曾誦辨証文一代高名四海聞解網坐露  
流霈澤叫閻行見挾浮雲精誠自昔如丹炳  
毛髮于今未白紛遼塞雪深戎馬盛好回天  
聽報吾君

題鍾英上人詩軸用五峯相公韻

伯玉知非日時危合卷懷一絲成尺累千里出  
毫差黃帽從今始青山與爾偕雪消林氣暖春  
鳥已啾啾

趙正郎希母淑夫人李氏挽詞

夫人毓德判書門七十年高四十孫奠道中問  
憂厄併共看前後慶榮繁弟兄赫世三登第父  
子傳家兩擢元纔奉壽需翻寫挽升堂無路最  
傷魂

崔察訪龜妻晉州姜氏挽詞

鷄林與晉原兩姓合名門八袞又二歲三男仍  
六孫馬官雖潦倒蓮榜共騰騫今日靈車發鄰  
入聲亦吞

定遠君挽詞

元宗大王

素幕維華屋丹旌向古阡孰云王子貴今作  
路人憐零落珊瑚玦悽涼玳瑁筵那堪郭東望  
春草綠年年

寒崗鄭先生挽詞

新安故宅里易簣又庚申以鄭康成姓為朱仲  
晦身朝廷不一口教授幾千人扶植民彞地誠

忠質鬼神

其壤千年道復明五先賢後賴先生伊川舊業  
真源遠泗水新居正沅清瑞日昔曾參氣象迷  
塗終欲罄精誠伽耶山折今安仰天遣吾東不  
太平

寄上五峯相公

以下七戌

聞說耆英集盛筵壽星光彩映奎躔初從逸少  
蘭亭歲重到坡翁赤壁年德業百僚皆在下文  
章四海獨無前丹丘此日還相羨不必青牛學  
老仙

附 次韻

李好問

冗齒居然忝老筵 恩光何敢比英躔  
徒看 雍靈垂垂日及聽祥琴切切年  
舊事壽章重 入手今辰湯餅再當前  
交情經禍猶如此誰 復終南問跛仙  
南郭老人

戲簡金先達慶徵

兩狀元孫亞元子丙科及第不須稱從今讀破  
八千卷然後無慚名慶徵

寄賀崔先達有擢親耕別試甲科第一

陞授通政大夫

聞君對策動天庭 四十人中第一名  
貂尾肯誇 通政貴龍頭爭羨狀元榮  
近傳塲屋隳公道方 見朝家擢世英  
想得賀賓填里巷 賜花輝映 壽星明

寄簡任茂叔博士

都門一出七經春 堪笑儒冠解誤身  
今日贈君 青筍笠滿江烟雨好  
垂綸

附 次韻

任茂叔

插根湘岸幾冬春 編笠尤宜野老身  
故寄廣 陵江上客何時李益會  
盧綸 疎菴

用希安上人韻贈別守初上人入智異山  
希安曾說守初名方丈今從覺性行如爾詩僧  
那易得使余秋日不勝情三神洞僻霜楓晚七  
佛庵深露月明徼老見時應問訊暮年憂患能  
新更

重贈守初上人無簡冲徼覺性兩長老

暫時相見遽相分萬里長空一片雲黃髮病翁  
偏好道赤髭禪子最能文徼公秀句人皆誦性  
老高名世共聞行到雙溪煩寄語秋風回首海  
西濱

朴監司說之東挽詞

奕世潘南積德門錦川遺業屬玄孫甘崇一路  
新方伯仙桂三枝老狀元誰料卿材只如許向  
來天道未堪論湖堧伏枕尋槎什孤負平生國  
士恩

寄趙正郎怡叔

近來無使報平安目斷耶山鬢盡斑君作楚臣  
仍適俗我如陶令且休官兩家血淚三年外一  
畝田居百里間卧疾未成尋故蹟菊花初破月  
空團

用故友任叅奉鎮寬甫韻寄題任奉事振

止影亭時在沔川界

愛君昭簡後儒術有淵源松菊開三迳桑麻占一村小亭能止影真意且忘言白首同庚契秋

深訪石門

工曹判書贈謚昭簡公諱由諱君之高王父也君與余同生幸未歲

寄龍溪李處士榮子善

栗里田園五十春誰言一疾困漳濱篇章遠得曹劉體風致高於晉宋人靜卧只須加藥餌幽憂不用損精神秋來肌骨行當健天意分明護隱淪

題詩附與老頭陀問訊高山處士家子復至今  
哀未散長卿何事病仍加虛經赤壁新秋月重  
負柴桑九日花鷄黍有期身且憊卧看寒雨暗  
汀沙

寄尚州趙牧使善述

敬問高山牧琴堂得晏如朋交惟我在翰札至今無一病經秋劇三霜泣血餘湖鄉留滯意說與老浮屠

題秋雪齋

隙駟頻催國火新三年未死一孤身松楸洒血

慈烏夜雨露傷心寸草春縱有形骸餘土木更  
無筋力看風塵誅茅海曲依桑梓要養殘生且  
避人

壬戌十月之望泛舟海浦即席次洪參軍

汝時寶韻

七月乘舟地携琴又一來聊吟赤壁賦欲醉紫  
霞盃盛事真堪樂殘生只有衰終知後壬戌能  
有幾人回

海闊寒潮上山平皓月來聽歌仍鼓柁看舞且  
銜盃坡老子年興湖鄉萬事哀夜深橫吹遠風

起渚禽回

萬里滄溟上琴樽共一舸天清露遠岫浦靜縮  
寒濤浮世形容老狂歌意氣豪酒酣風拂面不  
怕利如刀

橫吹玉笛下西溟天際雲山晚更青白首此遊  
追赤壁滿船風月不宜醒

洪參軍持酒來翌朝詩以謝之

昨夜七壺酒五人同醉顏感君高義在令我老  
憐開三樹纖歌慢梅花古調哀今朝看有興須  
拉沈侯來

沈直長廷黃沈廷士  
廷弘兄弟昨與同飲



東岳集卷之三十三  
星娘能唱墨娥曲洪姪解吟洲友詩白髮滿頭  
青眼少暫時留醉不須辭

用洪叅軍韻示沈直長

榮辱悲歡馬得失是非毀譽烏雌雄叅軍豪氣  
畢吏部直長高情龐德公十日能成八日飲六  
賢何似七賢風從今湖外千秋後醉舞狂歌說  
不窮

四同契會圖

順天金冠玉生於隆慶辛未八月十六  
日萬曆丙申冬 庭試乙科第一人時

年二十六坡平尹德耀生於辛未十一  
月十八日丁酉春 謁聖乙科第一人  
時年二十七德水李子敏生於辛未六  
月二十一日己亥夏 庭試乙科第一  
人時年二十九生同辛科同乙乙又同  
第一未三十亦同此之謂將同其後而  
先同其初者耶昔李摯與李敏同姓同  
歲同門又同年及茅故詩云契分四般  
同今者三人幸同四般茲用為契名曰  
四同同者四同則同矣然其同非我所

東岳集卷之三十三  
同我所同不同則非我所同而同者其  
果謂之同乎所謂我所同者有一焉其  
惟心乎一既同然後四者同始為同而  
非我所同者雖其終或有不同其不同  
亦與同者同而不可謂之不同矣然則  
同亦我不同亦我我在我也願諸君其  
各我其我而同其同乎哉先賦七言近  
體詩一首以志之同乎此者其同賦焉  
同辛同乙已難逢乙亦同頭弱又同序坐呼為  
伯仲季生辰分在夏秋冬誰憐蒲質推先酌却

愧樗材出下風從此百年同事事一身相逐作  
雲龍

附次韻

東谷老兄以僕與北渚兄俱同年生又  
同科名遠寄詩文約與脩契不佞何幸  
得廁兩賢之間第念兩兄文章行義並  
稱一時早歲蜚英齊驅雲路官躋宰列  
位望俱崇則今日所同者固未知其幾  
般而驥足未展大器待晚他日德業之  
隆功名之盛皆未可量則積其所同以

東岳集卷之三十三  
至於萬般同可也至於身者才卑行陋  
最出人下半生蹭蹬淪於下僚晚而廢  
錮為世所棄則今日不同者亦未知其  
幾般而鴛蹄一蹶鵬路永阻日後沉淪  
之久窮阨之甚從此可想則積其不同  
以至於萬般不同必矣雖然才不才天  
也升沉榮辱亦命也其同與不同吾未  
如之何也其可盡吾之誠竭吾之才齊  
萬殊於一本卒爛熳而同歸者唯在心  
乎東谷所謂我其我而同其同者可謂

先獲而起予者也今我願與諸兄共誓  
此心切切焉惔惔焉同心與言同志與  
交如蘭之臭如水之淡窮達一節險夷  
同操德同而不孤道同而不遠使後日  
汝南之評不曰同四般而同一心則幸  
矣兩兄以為何如敢次瓊韻以荅盛意  
詩曰

天生我輩幸相逢四事當年訝許同契合金  
蘭存古義襟期松竹保嚴冬深情已結三人  
好勝踐應傳百世風我願一心同晚節雲泥

休恨異猪龍

八松居士尹德耀

送李典籍景子方奉使海西

四年國子官何冷一代狀元才最奇典祀北郊  
纔露宿捧綸西路且星馳正逢窮律惜遲暮更  
耐殘魂傷別離此去風餐兼雪虐朝朝總是待  
君時亦向一作小齋無日不相思

許慶士渾挽詞

兩家相對一閉門只事頻蒙笑語温苦塊殘生  
滯湖海烟霞高躅闕丘園方嗟望仍三載詎  
料西還忽九原莫惟哭君吾最慟德人今代幾

人存

人已我多閱如君得見難早能業詩禮終自樂  
瓢簞弱子纔八歲平生無一官天高不可問雙  
海獨沈瀾

送鄭判校世士元赴長淵府使

縣昇為府昇時英官重方知揀選精西塞甲兵  
逋舊籍中原舟楫啓新程撫摩粗布安民畧甘  
旨兼酬愛日情見說金沙有遺寺只應憂國酒  
稀傾

少長於吾較十年君家門館通隨肩即看西去

輕軒穩却憶南征彩服鮮  
一郡仍供烏鳥養殘生  
已廢蓼莪篇  
郊居祖席翻如夢  
重把離盃淚  
迸泉

洪參軍汝時在高陽田庄送酒一金邀與  
共飲久不來見戲書以促

百里高陽路三瓶石凍春  
見君能好事知我可  
怜人避地青山遠  
還朝白髮新  
有須同酌  
不用更逡巡

奉簡權進士希汝明

雪深三尺曉風寒  
坐憶江頭獨閉關  
寄與市醪

憶侍華筵霧一披  
中間杖履阻攀追  
東亭自昔

居南里

公之別業在廣津上  
余家田庄其南隣也

介婦於吾號少姨

公少姨夫

即看鳳雛才  
儘羨亦知驄馬  
官非早

九重泉路無歸日  
薤露歌成淚獨垂

送清陰金叔度學士赴開城經歷

分司莫說屈清流  
瘦骨頻年飽旅愁  
亢帥臺前  
惟有海漢挈山外  
更無州神竅  
却喜京華近  
名瀑無聞洞府幽  
吾輩從今且慰意  
免看君又出  
遼陬

挹翠曾孫我表兄  
白頭寒餓寄松京  
承家幸有

佳兒在一笑煩君倒屣迎

杜秀一德胤旅寓  
松都有才子名環

天磨遺錄無人續寂寞雲烟近百年今日送君

為地主故題新句賀山川

挹翠軒與容齋公  
遊天磨有錄行世

題信脩上人詩軸次月沙相公韻

卧病無人問死生日長幽巷但蟬聲遠來剥啄

求新句却恠闌梨解姓夕

次韻奉謝月沙李相公枉過

巷僻門常閉誰言宰相來閑情棊一局軟語酒

三杯共覺愁顏改難逢笑口開新詩且遣興不

待雨雲催

春王正日日經入病起城南淑景新工部轉差

成老醜放翁空說絕貪嗔豈知陋巷勞車馬更

見清詩泣鬼神浮世却驚良會少今年逢癸昔

逢辛

東風又入漢陽城大雪初晴御陌平清世一身

三不遇窮途十事九無成蛟龍尚吐衝星氣金

石徒含擲地聲未忍拂衣辭闕下滄洲慚負白

鷗盟

奉簡任博士茂叔

曉來春雪滿天飛忽憶江郊獨掩扉病卧三冬

采乘興一瓢空寄阿咸歸

時以壺酒附送再從姪佐郎植之行

次李監察韻寄題晚翠軒

獨酌心醪呷幾卮海雲深處雪堆時蕭然晚翠軒中意只有松梅竹也知

次大學士遣懷垂示之韻

居然五十又三春百病侵尋一老身塢雪亂粘梅蕊晚街烟輕惹柳條新古來窮達皆由命誰道文章最有神旅夢不知歸路遠水鄉魚鳥自相親

尹佐郎天妻長水黃氏挽詞

代言公女相君孫結髮于歸積德門一室奉姑  
豐澗滄四時承祀潔蘋蘩世間不得為人母象  
下還成未老魂欲寫哀詞頻雪滄佐郎交誼我  
偏敦

次大學士辱贈韻

飛仙辭捲滿王城牛耳詞壇久押盟下里詐能  
賡白雪明時空作不平鳴

寓直恣府奉贈睦舜卿叔修撰用洪同公

樂夫韻時以儼使將赴關西書此留別

一千關路趣郵驂霜髮春風五十三常憶白眉

推雅望忽逢青眼接高談仙槎遠待龍城北直  
省新移玉署南却笑衰翁似兒女別懷依悵正  
難堪

荅唐山丁使君

酒席一春曾爛熳紙封三束更殷勤可憐禮部  
病叅判難報唐山賢使君

文城君挽詞

堂堂 康靖大王孫十六移封二品君肩儼盡  
圖真絕代氣衝星斗獨超群瓊筵夜月鷓鴣杓  
繡幕春風翡翠初今日梁園歌舞散路人揮淚

孟嘗墳

黃同知讞挽詞二首

八十年加一庚辰文壯元班間躋宰秩膝下盛  
兒孫疾病俄長夜歸休即故園吾兄幸同榜念  
昔倍傷魂右代西桐相國作

明公九子壻七十二諸孫八袞新嘉善三朝舊  
狀元莫言官頗屈終見德彌尊今日揚州路鄉  
人擁墓門

贈別和順崔明宰尚

君猶子是我兄甥兄又同君卯歲生便作一家



依末契仍從八興服高情狂言得罪投簪去  
聖代分憂佩印行齊渡漢江歧路隔老懷臨別  
倍縈盈

奉謝江陵柳府使

詠

銀唇五十松鱗一誰料明公記後生書疏尋常  
詩欲報苦吟終日句難成

奉謝長洲鄭府使

為問雙魚昔何如百艘今盛時知命薄長路見  
情深潔白民應服循良吏亦欽慙余無以報節  
飲是君箴

俞司果

信挽詞

相國昔叅先子擄使君初結少年場兩家世好  
臨元亮一餉心親對季方壯畧共看投筆早微  
病誰料蓋棺長攀龍附鳳為侯日聽說無兒意  
益傷

京畿監司洪

元命樂夫挽詞

哭君何怨怨皇穹一為吾私一為公國器共推  
三代上交期偏託百年中身無疾病齡非暮志  
在經綸道始隆忽送靈輜就新兆漢陽城裡望  
如空

國器  
人物

曉雨城西辱送行百祥樓上約相迎離筵只認  
經三月葵紉誰言向九京晚歲交情逾骨肉清  
朝物議屬公卿明徵亦識諸郎在忍聽高堂喚  
子聲

韓參奉 澈 挽詞

居同里閨契忘形白首相逢眼輒青一夜長眠  
非二豎五旬微宦僅三奠鳳毛堪託先廬敵鶴  
髮誰供夕膳馨真性取憐深嫉惡不愁狂語達  
天聰

李秀才 婦 妻 尹氏 挽詞

老死猶堪痛繞經二十春窻姑依孝婦孩子失  
慈親白日粧幃暗青山塚草新悽悽苟奉倩此  
日恐傷神

龍溪李處士 榮 子 善 挽詞

沔曲居廬日頻蒙慰札長每聞憂我毀豈料哭  
公喪姓字逸民傳園林君子鄉寂寥鷄黍約徒  
此奠單觴

贈別素翁趙 韓 持世 韓 善述 昆季

兄向關東弟向西海山迢遞海天低龍鍾亦似  
孤飛鴈此日樽前意轉悽

戲贈鄭修撰昌德餘李佐郎景子方  
玉署新修撰春官老佐郎朝廷得才俊鄰里亦  
輝光坐罷真非罪居貧固可傷聊持五斗米一  
泛菊花香

贈別興海郡守洪賈汝時之任

善地新明府清時老狀元汪分金虎重階轉玉  
貂尊已足書生願何非 聖主恩愛民兼潔白  
須記病夫言  
行官曾上望辰樓傍海山川特地幽想得下車  
多暇日數行時慰兩鄉愁

永昌大君改葬挽詞

癸丑年間事傷心尚忍言三綱成大謬八歲抱  
孤冤舊邑封儀正新阡葬禮尊長秋幸無恙亦  
足慰歸魂

臨海君改葬挽詞

迢遰喬桐路悽涼尺布譏冤深大亂日息重中  
興朝吉地開新窆豐碑換舊標梁園風雪夜不  
用楚辭招

姜秀才璉挽詞

峯相國賢壻晉昌公養孫平生要託契弱歲遽

招魂共說衰麻服渾沾血淚痕紛紛阮籍輩何  
面立乾坤

權判官男裕妻具氏挽詞

先慈堂係出綾原早識閨儀冠一門嶺邑烟霞  
生鳳枕淚城花柳擁魚軒誰言有子仍無子縱  
見諸孫只外孫孀婦伶俜十年恨九原終托舊  
幽魂

崔正郎振雲文望挽詞

愿為為號行誰齊兄弟同衾自抱提宗派共分  
門内外里閭仍接巷東西仙槎海島銜新命旅

擬秋風返故樓六十况堪官五只季方墳草未  
全萋

從姪女尹佐郎哲衡妻挽詞

人生卅八歿堪悲况有孀親老更羸伯氏早求  
娘子婿佐郎元稱判書兒微騰婦順夫和日慶  
毓男婚女嫁時五載忽驚三縣夢魚軒纔稅駕  
龍輶

任持平叔英茂叔挽詞

永嘉詩案至今悲栢府還驚薤露晞黃壤有靈  
應共吊白頭無伴更誰依南鄰釀秫前期在東

峽誅茅夙計違篋笥空留七百韻一回披讀一  
沾衣

曉趨丹陛夕黃泉車馬填門哭徹天家世文章  
舊任昉生年丙子後蘇仙危言早被奸臣忌苦  
節終蒙 聖主憐試看古來豪傑士一身名實  
孰雙全

平生高義薄層雲獨立乾坤氣不群麗句共推  
今庾信直言曾過古劉蕡從知濁世標清士會  
見賢臣際 聖君絳幘忽催颺馭去謾教青簡  
播遺芬

枯槁江潭拔擢新天心何忍天斯人漢庭內史  
汲黯直魯國諸生原憲貧骨化黃壚成鐵石魂  
歸碧落作星辰盛名長與雄詞在莫比尋常夢  
幻身

崔牧使沂改葬挽詞

以公之德覆公門來者難知昔未聞 昭代紫  
泥頒盛典直書青竹洗深冤城中舊巷元無宅  
地下殘骸尚有墳天道好還今已驗共看餘慶  
在遺孫

次尹陶齋賜示韻

東岳集卷之三  
一札行行讀十過小詩尤見道情多高軒雨後  
能相訪夏日山庭有晚花  
洞僻何曾見客過松扉晝掩鳥聲多燒香獨對  
前山雨石竹連階映土花

復之

聞說揚州路上過草亭回指石峯多詩來坐憶  
幽棲日愧負山壇手種花  
今雨何人肯見過閉門羸卧病仍多殷勤此日  
陶齋老病紙煌煌枉墨花  
京兆高才孰敢過共傳佳句晚來多雲殘忽寄

瓊瑤字不數青蓮夢筆花

病卧頻驚節序過鬢毛如雪鑷逾多五更歸夢

湖西宅露濕芙蓉一堰花

萬古長空一鳥過太平時少亂時多身閑只合  
昏昏醉誰見蟠桃解放花

復次

屋角風鳴雨脚過夢回孤枕晚涼多人間石念  
都消盡坐對空庭一朵花

一雨翻驚一月過洞門無徑澗聲多山齋恰似  
臨江岸風颭階前水蓼花

炎夏何堪病裡過更逢連雨晝眠多幽懷却憶  
從戎日走馬關山踏雪花

六月三旬又已過曉來秋氣雨中多臨軒忽記  
滄洲趣坐把魚竿翳荻花

老去年光苦易過故山歸興入秋多新詩預報  
鄉人道挈榼相尋趁菊花

五十三年一瞥過故交何少後生多直須携酒  
頻相訪身世真如木槿花

憶向遼陽郭外過滿城歌管盡樓多如今未上  
平戎策獨望烟塵拂劍花

古來天地幾人過屈指英雄未覺多盛代坐慚  
功業晚空將華髮照菱花

高車誰肯許相過世路難行按劍多獨坐念時  
成白首丹心空似向陽花

半生曾愧等閑過一發狂言謗轉多野性便思  
投紋去武陵深處覓桃花

次韻

濟代謨猷仁論兵志氣高壁缸堆燭淚壺酒響  
松濤功業今獬閣才名舊水曹共吟諸葛表誰  
作楚人騷

水原大津舟中

天啓癸亥七月二十一日巳酉以掃墳  
呈告詣闕拜辭而行宿果川庚戌次水  
原栗田村舍辛亥次設倉壬子渡大津  
入沔川鄉墅

鄉山隔浦對松杉雨霽長風送客帆畏比游魚  
簇香餌欣同逸驥脫重銜紅塵七茶陌黃金帶碧  
樹蒼崖白罽衫向午篙工賀利涉艫頭已過令  
公巖大津乃我東邦津渡中第一險處也有一  
大巖屹立中流名曰海神令公巖彼此來  
往之船若過此  
岩例得無虞云

秋日述懷簡寄任正字此鄭校理德李修  
撰汝固姪三學士

秋霖初霽起涼風日落星河影滿空天上玉堂  
三學士海邊蓬屋一漁翁交無老少心奚異運  
有窮通事不同如對月明能見憶尺書時為附  
歸鴻

慣經憂患早羸癯五十三如七十翁牙齒又從  
今日缺鬢毛曾到去年空鬚成白雪顏全皺眼  
看玄花耳半聾世路故知無用處只堪垂釣守  
烟蓬



奉謝洪僉知汝時書問

一室江湖外三秋痼疾中  
本來交友絕寧有信  
音通澤閣迷歸鴈林深響候虫  
感君書滿紙獨自記衰翁  
自我歸田里無人問起居  
方思七盞飲忽見一緘書  
野曠飛霜重山平落木疎  
此身那忍說衰髮雪盈梳

三月三日驪州江上作

春深官柳綠勝苔里落無人  
燕自回北極朝廷遷島嶼  
西州亡女墮烟埃秦關未跨青牛去虜

使空牽白馬來洒盡逐臣憂  
國淚斜陽江畔獨登臺

贈性修上人用五峯李相國韻

時在五峯里村舍

楚客無由入漢朝嚴城咫尺詠申椒  
禪公卷上詞宗句萬斛羈愁一夜消

義賢上人以東陽尉申令公絕句來示輒用其韻奉謝東陽見許之意

丞相門闌早受知暮年浮世愧參差  
郎君今代何平叔却許詩壇一字師

附原韻

申翊聖

高誼平生祇自知神交寧恨迹參差逢僧更  
獲瓊瑰報詩道從今喜得師

樂全

東陽尉申令公疊用前韻先遣義賢師見  
貽王十里僑寓仍命駕枉訪余亦步其韻

庸謝高義兼述鄙懷

僑居地僻少人知日午空庭樹影差剥啄忽驚

胡蝶夢東陽都尉義賢師

傾蓋偏蒙鮑叔知何須應對笑參差鯉庭獨立

如承問樵悴黃冠一老師

公子才名走卒知筆鋒排陣白差差老夫只要

封疆保坐束空杠恟出師

自抱丹心世莫知夢中宮瓦碧鱗差一言誰繼

田丞相三黜還慚柳七師

附次韻

申翊聖

幽居趣味有誰知雨過池亭燕影差清坐燒

香機事絕床頭惟對太宗師

睡味平生獨也知任教鬚髮亂參差今朝體

手蓄微露數首新詩自老師

詩道如今子獨知古人規範不參差七言恰

似夔州後律法堪為一世師

薄俗汙汙不可知昔賢於世亦參差謫仙微  
謹寧為累終作詞壇百代師 樂齋

復用前韻奉東東陽尉樂全令公 時在海村田庄

日夜思君君詎知碧城烟樹隔參差郭東高會  
真堪貌安得丹青老畫師

光祿風流我已知野人蹤迹尚參差詩來謾把  
夔州比却憶昌黎愧請師

別恨惟應夜月知夢尋歸路苦參差琅玕夏簟

何由到處把詩筒附遠師 時遣惠雄上人奉送詩感故云

山水遺音始遇知却嗟形跡久參差試看宇宙

人無數文孰為宗行孰師

雲谷幽棲世得知小蹊苔印石參差月明時見

携筇過不是樵翁即煉師

東崦新居人未知石峯回合劍鋒差隔溪有逕

誰相訪只是西庵老法師

莫道丹衷 聖主知九歌空和玉參差鳳城回

首三年夢話與雲山病律師

素髮飄蕭老可知平生十計九參差無因去作

雲臺將只合來參雪竇師

未有威名草木知老來身事轉參差獨憐賈誼

為王傳誰信張良是帝師

世故紛紛了不知  
傍簷山鳥語參差日高睡熟  
初慵起跌坐真如學祖師

用東陽尉樂全居士韻奉贈李承旨天章

李校理道章昆季兩學士兼示東陽令公

丁卯夏余在揚州海村田亦天章道章

昆季兩君一旬中再並轡見訪時天章

新禡銀臺力求補外得拜商陽府使東

陽公戲占長律以賀之天章為余書示

輒用其韻作為四首一以賀出守畿邑

獲遂丐閑之計一以謝在駕郊居致慰  
罪廢之人仍貽道章學士轉寄東陽公

子云

三十天官舊侍郎新除不是漢淮陽  
竇家仙桂

連枝秀謝宅春蘭奕葉長履盛自生  
分虎計投

閑能占卧龍鄉懸知合浦珠還日報  
國初心見

孟嘗

十日重尋一草堂新詩句句孟襄陽  
綠簑風雨

蒼山遠玄鳥星霜白髮長別夢幾驚  
關塞路歸

心常憶水雲鄉逢君莫恡殷勤謝險  
阻年來我

備嘗

是日天章路中逢雨口占絕句來示余曰  
樹遠人家隱隱沙平溪水涓涓青蒲綠葉

隴西才子錦心腸年少聲名過洛陽野外獨來

青嶂亂天涯相望白雲長一翁二季蓬萊殿萬

里三冬韎韐鄉洗眼翻思分手日誰言此酒共

君嘗

左對天章右道章南陽賀什出東陽筆精共此

鍾王妙文焰真如李杜長何日更酬青玉案此

身空望白雲鄉早知愛士賢公子名亞春陵節

慕嘗

用東陽尉韻贈真一上人

覺師傳業白真身謝藍青楓岳深山寺揚州小

野亭羲輪三伏至楚澤四年經莫恠攀藜杖柴

門畫自高

真一了覺  
性分子也

再用前韻贈義賢真一希安三上人

火日疑非赤雲峯似益青只緣三布褐相對一

茅亭煮茗留新偈燒香念舊經上方知不遠重

肯扣幽扃

三上人時住南  
漢山中寺刹

附

栗里田園僻歸來五柳青看雲行小洞戀月

宿虛亭壁上王維畫床前老氏經懸知送客  
後寂寞掩柴扃

僧希安

次韻奉贈八松尹德耀舍人

余自海村將歸沔川舊廬德耀時亦謝  
病先往尼山別業乃載酒枉駕就余告  
行仍留詩叙別遂步其韻以贈之君為  
今代胡邦衡故篇內云

世已踈儒術天胡薄爭臣黃塵尚眯眼素髮共  
盈巾匹馬尼東路孤帆沔右津心知成久別對  
酒淚還頻

澹庵封事後千載見坡翁諫主輿情奮和戎廟  
笑窮名懸霄漢上身退水雲中三角山前別徒

慙齒髮同

君乃坡平尹氏故云坡翁  
余與君同庚故未句云

附原韻

尹德耀

送別兼留別孤臣對逐臣憂時霜滿髮戀主  
血沾巾雲雨埋華岳風波阻漢津前期知不  
易莫恠勸盃頻

堪笑還堪惜蒼顏兩老翁憂深言近妄慮遠  
道終窮落拓鳳鸞下棲遲牛谷中行箴真一  
槩不啻四般同

八松

簡許秀才格時自海村牛耳洞田庄  
照發牛耳洞夕到新川上積雨今已晴期君速  
相訪

應祥上人自奉恩寺來訪余新川別墅示  
以故一松漢陰西垞三相國絕句丐和甚  
勤謹用其韻而贈之

每挹師名始見師蒞江秋雨皴吟眉一牋珠玉  
三詞伯何用東翁斲筭為  
一川烟浪浸菱花歸鷺雙飛掠岸過日落渡頭  
人不見踏歌時聽浣溪紗

贈湛熙上人

世亂身奚適年衰病未蘇平生誤童雨此日羨  
浮屠錫八方名寺鞋三國古都孤雲本無帶獨  
自泣窮途

贈應俊上人

暝雨三田浦涼風七月秋隔江回白足連日對  
青眸天柱隨緣遠曹溪結夢幽歸逢熙老問楚  
客寄滄洲

題斜川詩帖為李正景子陵作用帖中諸  
公韻

名巖字子陵夙計思真休斜川號更佳合作淵  
明游高齋架斷麓小艤浮中流耕雲友山鹿釣  
雨親沙鷗尋僧獨憇壑採藥時經丘身為富春  
徒心與彭澤傳造物識君意乃以異境酬試看  
漢晉下有此好事不早知軒冕樂終貽鼎鑊憂  
我欲托仁里閑田其可求

贈學安上人

守塚當辛酉逢僧號學安風塵一聚散憂患八  
炎寒靜念聞騾軾遙思見竭韓莫嫌牽別袖衰  
鬢雪盈冠

李掌令

景義

母淑夫人全州李氏挽詞

大哥曾結甲門婚憑識家風聳縉紳金塞虎符  
都護府玉宸鸞詰淑夫人五兒儘貴仍三第七  
表方稀更一春此日忍題詩相挽狀元君又托  
雷陳

沔川李知郡

如圭

枉駕見訪示以韓平君石

樓李相公長律一首索和頗懇拙不敢辭  
仍步其韻用伸微志

秋風牙述縣東津慶會池邊野草春屈指卅年  
三奉袂回頭十事九沾巾孤臣去國形容老茂



宰臨民政化新從此弊廬高枕卧驚捥無復吠  
村鄰

李庭尹執中後改時干挽詞

七袞猶稀又九年兒孫滿眼是曾玄平居鄉黨  
稱為善晚節風塵望若仙理邑化行刑律外導  
民方用孝經先似公積德今奚憾湖郡回頭淚  
迸泉

題天雲上人萬死傳衣詩卷為五峯相公  
作

壬辰海賊之亂五峯相公扈從龍灣太

夫人奔竄圻邑山谷中賊騎充斥道路  
阻絕及至秋涼公為備寒衣欲送無由  
日夜悶泣寢食俱廢上人時年甚少感  
公誠孝千里背負冒萬死衝賊陣傳達  
於太夫人所得免凍斃故公以萬死傳  
衣上人稱之

萬死傳衣日三秋扈 駕時龍沙仗忠孝虎穴  
費慈悲事可鳴於世人誰叙以詩士林臨利害  
翻覆古難期  
贈斗暹上人

東岳集卷之三  
市朝終愧隔雲林一句新詩萬里心贈爾江南  
訪蘭若名山隨處為長吟

贈戒珠上人

欲識珠公事須觀岳叟詩妙香山道俗長慶寺  
從師野鶴烟霞趣雲松澗壑姿入城求一句三  
日忍朝飢

歸沔陽故墅以下辛未

一別鄉廬四載迴蜘蛛網戶逕莓苔綠階已長  
千竿竹傍檻初開五朶梅野老聚驚新鬢雪林  
僧留認舊心灰鳴珂却憶東華路坐對雲山只

自吟

附次韻

別後愁腸日幾迴閑園迤行踏蒼苔春風已  
綠王孫草湖海誰傳驛使梅笑我齋居清似  
水知君官興冷如灰艱危敢道抽身計細算  
行藏漫一吟

谿谷

別後詩從海曲迴和來閑踏小庭苔故山歸  
夢空攀桂南國春風又落梅宦興薄於將墮  
葉老情寒似已殘灰平生酒賦欺人在習氣  
難除可共吟

畸庵

家山春色逐公迴童稚盈門掃綠苔新種樹  
添曾種竹續開花映早開梅時從社老傾浮  
蟻更對林僧說劫灰應念澤堂逋客在白頭  
塵土任群吟  
澤堂

戲寄鄭叅知德餘

此去抽簪未擬還故尋南郭蒼青山白頭醉卧  
叅知宅添却狂名滿世間

權主簿勅挽詞

主簿權翁字汝明習齋公子石洲兄能詩早似  
顏光祿嗜酒終同阮步兵七十星霜無一事江

湖烟月了平生夏侯孝若東方贊欲為君鑄寘  
九京

一世生仍少九齡公呼我弟我呼兄那堪白首  
相隨日丹旄無端趁曉星  
世人常恠子無醒今日靈床認達生七袞縱稀  
終似夢一盃來奠未能傾

戲謝沈熙之惠尊

紫陌車馬塵白頭江海身高陽酒徒在更寄李  
鷹尊

題鶴谷詩稿後

五甲  
六月

殷盤周誥春秋易誥屈聱牙嚴且奇千古能成一家體昌黎文後益寧詩

次五峯李相國韻題真一上人詩軸以下

楚壁非真盜齊竽有竊吹纔回渤海愛旋和苾葛詩犧本在周畏絲似墨翟悲秋風掛冠計預報白雲知

贈道休上人

道甲高僧說太能休公早得繼心燈長安六月驚初見一室風生冷欲冰容祖文章冠大東後孫誰復紹家風憑君却愧

山僧問一代聯名兩館中右屬汝國姪同賦汝

拜兼藝文提學

次韻贈遂初上人

涉海東還日尋山北去時十年纔一見霜鬢愧題詩

南澗逢圭地東林別彥時到山如見問衰疾廢

吟詩師將往安邊釋王寺故篇內及之

戲贈張秀才雲九萬以甘瓜三十箇見惠

甘瓜俗號真瓜

六十三年內同庚有幾人瓜名與交態今日見

俱真

吳叅判百挽詞

平生性癖似嵇康懶吊人喪六十霜曾未識公  
倚事吳亂邦當日守綱常

尹正郎祭母昌原黃氏挽詞

嵇康性本臨喪懶庾袞家仍避瘞此獨赴高堂  
却相吊孔融年與禰衡忘

奉送畸庵鄭叅議

子容赴金堤郡  
一代文章士三司侍從官郡符非捧檄雲路正  
彈冠朝政何顛倒交期共急難相門清似水炎

徹至今寒

子容為京官食艱銓曹俛從乞郡之請云

愚谷鄭判書世挽詞

自從箕範啓吾東 宣祖崇儒道始隆栗谷豐

原五賢後義經儀禮兩朝中少微星動方前席

天柱峯摧奈上穹癸亥延英甲子獄却慙昭代

負愚衷癸亥夏先生入對經筵與鄭公論稍持異及公被譴鄭公當劄首初隨象既

而悟其非嘗就謝公故未句云

青平君沈公 恤挽詞

萬里乘槎日三年伏枕時何言回使節忽見發  
靈輶鍾鼎家仍瞻貂蟬位未卑所悲踰七袞一

子却無兒

金鐵原 獲正卿挽詞

一世生聯甲相知六十年誰言先白首此日後  
黃泉天斬公卿貴人欽子姪賢豐田互愴別高  
誼憶洪川

沈判書 諱太夫人安氏挽詞

慈闈八十七寒溫五福俱全一代尊膝下貂蟬  
成白首眼前蘭玉到玄孫蟠桃花影聯恩誥寶  
婺星光動壽樽關外外堂忽如夢江風吹淚濕  
朱幡

表姪女尹秀才敬妻迺日鄭氏挽詞

吉甫吾庚契常稱少婦賢熊羆成吉夢琴瑟絕  
哀絃孀母誰能慰孩童最可憐平章親事日追  
憶淚迸泉

表妹六十歲少娘三十齡妹唯一女鞠娘幸五  
兒生慈愛此訣絕昊天何杳冥忍聞鄰里慟叅  
判亦新塋

奉送韓內乘 會亭甫出牧驪州用鶴谷大  
宗伯韻

世間騎鶴上揚州秋月驪江太守舟十里松楸

接鄉墅一汀鷗鷺集官樓

畿內黃驪第一州白鷗飛引木蘭舟蒲鞭到日  
民無訟醉卧清心百尺樓

題李都事光雙清亭

誰斲層崖枕曲灣一亭新葺只三間江湖欲上  
風鳴岸野雨初收月湧山官渡試看行旅倦水  
居方認釣徒閑瓦樽斟罷停歸鞅慙愧貂蟬鬢  
已斑

奉謝水原防禦使尹叅議堦手札見問兼  
遺魚酒二物

水府新防禦天官舊侍郎相門高德業仙署富  
文章早已傳清白終能念老蒼丘園隔湖海書  
信爛生光

戲簡成秀才昆季

雨霽竹亭秋正涼松醪潑瓮更堪嘗君家兄弟  
本無事走馬共宜來把觴

奉酬水原防禦使尹叅議堦用余前寄韻  
以猪酒等物見問

詩名謝內史筆法蔡中郎簿牒憐逋客湖山在  
報章烏將軍手赤麴道士顏蒼鄉里驚相問隋

珠滿室光

戲謝青陽金明宰老范九日送酒一壺  
白衣送酒重陽日東晉風流又見之却笑老翁  
添戶小封題只是一鷗夷

秋雪齋次希安上人韻時在沔別墅

眼月全昏鬢雪繁故收骸骨返丘園舊時鄰叟  
爭相訪黃菊初開映綠尊

沈引儀寅之挽詞

夙嬰奇釁重儒術久無成時喜慈親壽方欽令  
子榮萊衣忽先逝蔣逕幾相迎一死驚吾晚加

君九歲生

慶席初迎進士男引儀題墓慟何堪莫言五十

四非天別却孀親八十三

戲謝張秀才九萬以甘瓜見惠

嚼瓜三伏味騎竹百年情鱸膾君家物還應寄

馬卿

奉謝襄陽柳明府恒以松魚銀口魚寄惠

罷官歸第日經歲抱病身忽飽松銀羨常愁桂  
玉貧別懷秋轉惡交態老方真所冀蘭章在江  
山助有神



奉謝公州崔牧使海大容以封餘細鱗

魚見惠

古來多病故人疎紫綬誰言枉素書記得盡能無寸放細鱗翻愧錦江魚

奉謝鷗洲李判官湏汝涵書致石圍臍

閉門城市宿痾嬰誰肯題書問死生八月江湖

百郭索六句肝肺一長庚

次韻奉謝張九萬先惠大棗復以獼猴桃

見餉

誼同兄弟生同年莫道雲泥相望懸獼猴桃實

鹿盧棗子房家世蓬萊仙

奉酬襄陽柳明府恒用余韻見問復以海

魚寄惠之作

洛山書又到湖海未歸身滯卧仍嬰瘵亦投動撥貧星霜添老醜簿牒屈清真忽欲東飛去遊仙句入神

乙亥九月二十九日丙子朝發京城公宿

水原栗田村舍翌日丁丑次南谷十月初

一日戊寅次大津院翌日己卯渡津到沔

庄舟中有作

宿病三年重殘生萬念非本遭清世棄今向弊  
廬歸日落寒鴉噪風高老鴈飛北宸回白首湖  
畔淚沾衣

附次韻

擾擾疲窻百啾啾厭是非誰先陳寔位空羨  
季鷹歸塢竹寒猶翠沙禽近不飛遙知湖上  
宅芋火對麻衣

從姪植

奉謝知足堂朴巡使勸汝昇枉駕見訪

遠尋茅宇枉旌麾松竹林深卧雪時已亥庚寅  
一辛未判書承旨兩監司前轅後轍成留落北

羽南鱗費夢思却笑山陰謾回棹風流不讓習

家池

君與余並生辛未歲月日後於余擢已  
友庭試君擢庚寅別科余以原任禮曹判  
書除本道方伯君方為左副承旨代余而來  
君居嶺南安陰縣余家在京城故第三聯云

題法演上人詩卷

金剛一萬二千峯六十六年瘠渴翁慙愧平生  
負真界歸僧相對又秋風

毗盧峯下演禪師不出山門未足竒笑謂今來

大事畢岳翁多病一題詩

師自出家常住金  
剛山水雲庵云

奉謝張秀才

翰惠瓜以下丙子

虛名清白吏積廢聖明時坐羨林廬下秋瓜足

療飢

答廣州許明府徽書

試問烹雙鯉何如殺兩鷄平生許廣牧清節古  
人齊

奉謝金秀才柄惠鱓

二十三青殼紅膏敵萬金隔江勞遠餉衰疾見  
君心

奉謝平陵蔡察訪後以鰓魚三百箇見寄  
察訪乃古玉鄭公外孫也新刊遺稿故要  
見一帙耳

石决明三百平陵驛一卜病加春日後書及菊  
花前早見才超古終知義薄天隋珠安可報更  
待玉翁篇

丙子十月初三日夜聞大雷是日左台辭  
避時三司論

事忤旨或遷或  
罷或命補外

社稷安危策朝廷黜陟權鼎台今日缺臺閣幾  
人全霹靂三更夜江湖十月天腐儒憂國淚又  
洒中興年

李司評竣妻陽川許氏挽詞

宜人故慶州府尹諱錦之女左議故諱

琛之四代孫有淑行無子女年六十八  
以疾卒葬于原州蟾江之上

星山閣閣孔巖齊六十八年琴瑟詩府尹共言  
能得婿司評誰料竟無兒平居內外族親悅遠  
日東西隣里悲伏枕經秋阻執紼蟾江風雪片  
帆遲

屈指名家婦德全宜人懿範問誰肩早聯門戶  
終同閑薤露歌成淚迸泉

昇到秦城要問醫鹿門誰忍雅情違月溪秋夜  
來時艇翁逐孤旋冒雪歸

江原監司趙魁仁甫巡到江陵書致大

卯盃

老身嬰疾滯秦城門巷無人訊死生千里忽蒙  
東海味百年相許北關情

廣州許明府

微

以鮒魚五尾見餉

七月雙鷄子三冬五鯽魚病喉妨苦藥衰胃怯  
寒菹味儻初加飯情親舊接問吟哦翻自愧不  
得報瓊瑤

鄭修撰和以黃柑五箇鱧魚一尾見餉問  
疾

六旬白叟三年病五箇黃柑一尾鯁高誼不隨  
浮世變鷓鴣才子玉堂仙

奉答柳清道稿枉書問疾仍求新曆時峴

百疾嬰身意自悲忍將何語報相思山居不用

求新曆明歲還添一月飢明年丁丑有閏四月

奉謝咸鏡巡察使閔士尚聖書致歲饌

久惟休書信翻驚侈歲儀禮優航海日誠淺按

湖時豁達心無憾沉綿事可悲旌麾隔關路具

報結深期

園城中次洪相鶴谷韻占示同寓諸君

縱使孤城墮虜中君臣無愧守精忠三韓自此  
名千古白日昭昭照碧空先生經年沉痾不復

疾遂用殆見鶴相示韻  
有此和作此則絕筆也

附原韻

君臣寄命一城中輕重誰分孝與忠時向長

園西極目羨他歸翼下遙空

附次韻

平生心迹簡篇中為子為臣負孝忠願作睢

陽兵死鬼神鋒終掃虜巢空再從姪植

東岳先生集卷之二 十一 拾遺錄下終

